



**Pathian nih hngalh  
ter an duh mi thil  
pali hna**

# 1

## NAKAH KHAMH NA SI AWK A HERH

Kannih nih, sualnak kan ngei lo, kan ti ahcun  
kanmah le kanmah kan i hlen a si i kan  
chungah biatak a um lo. 1 Johan 1:8

Sualnak man cu thihnak a si. Rom 6:23

Kan dihlak in Pathian hmai ah biaceih awk  
ah kan chuak cio kolai. Zeicahtiah Ca Thiang  
nih, Ka nuri bangin, mi vialte nih ka hmai ah  
an khuk an i bil lai i mi vialte nih keimah cu  
Pathian a si an ka ti lai, tiah Bawipa nih a ti,  
a ti bang khan a si lai. Cucaah kan dihlak  
hin Pathian hmai ah kan kong kan i chim cio  
a herh lai. Rom 14:10-12

Fapa a zum mi paoh cu zungzal nunnak an  
ngei, Fapa riawl a ngai lo mi paoh cu nunnak  
an ngei bal lai lo i Pathian thinhunnak cu an  
cungah a um zungzal ko lai. Johan 3:36

Sihmanhselaw Pathian thinhunnak cu  
vancung in a rung lang i minung sualnak le  
pantonak dihlak cungah khan a rung tlung.  
Rom 1:18

# 2

## NAKAH NANGMAH LILA NAA KHAMH KHO LO

Minung hi Pathian he an i remnak cu Jesuh Kri an zumhnak thawng lawnglawng in a si i Nawlbia nih tuah u, a ti mi tuahnak thawngin a si bal lo. Minung le Pathian i remnak cu Nawlbia thawngin a si ahcun Kri cu pakpalawng ah a thi ti nak a si hnga.

Galati 2:16, 21

Pathian nih cun zeitluk in dah a kan dawt kha hi ti hin a langh ter: kannih cu misual kan si ko rih lio ah hin Kri cu kan caah a thi.

Rom 5:8

Jesuh nih cun: Lam cu keimah hi ka si; keimah min sin in ti dah lo cun ahohmanh Pa sin an phan kho lo, tiah a ti hna.

Johan 14:6

Amah thawng lawnglawng in khamhnak hi hmuh khawh a si. Zeicahtiah vawlei cung dihlak ah hin kannih khamhnak caah Pathian nih min a pek mi midang ahohmanh an um lo.

Lamkaltu 4:12

Nannih cu vel an ngeih hna caah an khamh hna i khamhnak nan hmuh cu amah nan i bochan caah a si. Khamhnak nan hmuh mi cu nanmah tuah mi a si lo, Pathian laksawng a si.

Efesa 2:8-9

## **CUCAAH**

### **Na sualnak chungin Pathian sin i merh**

Pathian nih khuazeika i a um mi minung  
hmanh, nan nuncan tha lo kha mer tak cang  
hna u, tiah a ti hna. Lamkaltu 17:30

Nan sualnak cu an hnawhpiak hna nak hnga,  
i ngaihchih u law Pathian lei ah khan i mer  
tuah u. Lamkaltu 3:19

### **Kri chungah hngatchan**

Bawipa Jesuh kha zum law khamh nan si lai.  
Lamkaltu 16:31

Jesuh nih: Zum lo in um ti hlah, zum cang  
ko — keimah hmu lo in a ka zum mi hna  
caah curi lunglawmh awk a va si dah, tiah a ti.  
Johan 20:27-29

Fapa a zum mi paoh cu zungzal nunnak an  
ngei. Johan 3:36

### **Mi hmai ah Kri kha hmuhsak hna**

Nan ka in : Jesuh cu Bawipa a si, tiah nan ti  
i amah cu Pathian nih mithi hna sinin a  
thawh ter tiah nan lung in nan zumh ahcun  
khamh nan si lai. Rom 10:9

Text © UBS

**Scripture Gift Mission,**  
Eccleston St., London, SW1W 9LZ

Printed in Great Britain.

*CNH*

Chin-Haka 4 T

# 3

## NAKAH NANGMAH KHAMHNAK CAAH PATHIAN NIH MAN A PEK

Pathian nih vawlei hi a dawt hringhran caah a Fapa ngeihchunte kha a pek, cucaah amah a zum mi paoh cu an thi lai lo, zungzal nunnak an ngei lai. Zeicah ti ahcun Pathian nih a Fapa cu vawlei cungah hin vawlei Biaceihtu si awk ah a run thlah tung lo, vawlei Khamhtu si awk tu ah khan pei a run thlah cu. Johan 3:16-17

Dawtnak ka ti mi cu, Pathian kan rak dawt hi a si lo, amah nih a kan dawt i kan sualnak ngaihthiamnak ding caah a Fapa kan sinah a run thlah hi a si. 1 Johan 4:10

Kan Khamhtu Pathian dawtnak le zangfahnak cu vawlei cungah a hung langh tikah, thil tha kan tuah mi ruangah si hin lo in amah nih a kan zangfah ca lawnglawng ah kannih cu a kan khamh i cu a kan khamhnak cu hrinthannak ti thawng le Thiang Thlarau nih mi thar ter khawhnak a ngeih mi thawnnak thawngin a si. Titas 3:4-5

Kri hrimhrim zong kha nanmah caah a thi i sualnak ruangah khan voi khat ah za lakin a thi; nannah cu Pathian sin i kalpi awk caah khan mi tha cu mi thalo mi hna ruangah a thi. 1 Piter 3:18

Pathian laksawng cu zungzal nunnak a si i cu nunnak cu kan Bawipa Jesuh Kri he aa pehtlai mi nunnak a si. Rom 6:23

# 4

## NAKAH BAWIPA JESUH NIH A KHAMH KHAWH I A KENG KHAWH

---

Jesuh nih: Biatak kan chimh hna: ka bia a  
thei i a ka thlahtu kha a zum mi paoh cu  
zungzal nunnak a ngei. Amah cu biaceihnak  
a ing lai lo, sihmanhselaw thihnak in nunnak  
ah a lan cang, tiah a ti.     Johan 5:24

Kri thihnak nih kannih cu a kan luat ter, cucu  
kan sualnak kha ngaihthiam kan si tinak a si.  
Efesa 1:7

Jesuh cu zungzal in a nung mi a si caah  
zungzal in tlangbawi a si. Cucaah cun amah  
thavngin Pathian a fuh mi hna paoh cu a  
khamh khawh zungzal ko hna; zeicahtiah  
zungzal in a nun caah Pathian kha a nawl  
piak khawh zungzal hna.     Hebru 7:24-25

Mi zehmanh hi Kri he an i pehtlaih tikah cun  
mi thar a si; a nunning hlun kha a lo cang,  
nunning thar kha aa thawk cang.  
2 Korin 5:17

Amah nih tlu lo in an um ter khotu hna le a  
himaika ah soi awk zehmanh um lo le  
lunglawm te in an chuahpi khotu hna cu  
Judas 24